



Ўзбекистон Республикаси Мустақиллик қуни — 1991 йил 1 сентябрдан чиқа бошлаган

пайшанба кунлари чиқади

1997 йил январ

— ЎЗБЕКИСТОН РЕСПУБЛИКАСИ ХОТИН-КИЗЛАР КЎМИТАСИ, БОЛАЛАР ЖАМҒАРМАСИ ВА «СОҒЛОМ АВЛОД УЧУН» ХАЛҚАРО ХАЙРИЯ ЖАМҒАРМАСИ ҲАФТАЛИГИ — Баҳоси эркин нарҳда



- Ўзбекистон Республикаси Президенти Ислоҳ Каримов «Ўзбекистон Республикаси Вазирлар Маҳкамаси ҳузурида Ўзбекистон қишлоқ ҳужалиги илмий ишлаб чиқариш марказини ташкил этиш тўғрисида»ги Фармонга имзо чекди.
- Ўзбекистон Республикаси Президенти Ислоҳ Каримов «Ўзбекистон Республикаси Матбуот Кооперацияси тизимидаги корхоналар томонидан аҳолига савдо хизмати курсатишнинг аҳолини урганиши ташкил этиш тўғрисида»ги Фармонни имзолади.
- Бухоро вилоятининг Қоровулбор туманида бунёд этилаётган нефтни қайта ишлаш заводи республика штабининг навбатдаги йиғилиши бўлди. Уни Бош вазирнинг биринчи уринбосари И. Журабеков бошқарди.
- Республика Маданият ишлари вазирлиги ва «Ўзавтосаноат» бирлашмаси республика болалар ижодиети марказига «Дамас» русумли микроавтобус ҳадя қилди.

• Ўзбекистон Республикаси Президентининг иқтидорли ешларнинг чет элда таълим олишларини қўллаб-қувватлаш «Умид» жамғармаси тузилди. Қуни кеча Президент Ислоҳ Каримовнинг шу ҳақдаги Фармони эълон қилинди.

• Нуқсула Бизнес маркази ўз фаолиятини бошлади. Марказ янги қуриб битказилган бинога жойлашган бўлиб, у ерда барча шарт-шароитлар мавжуд, замонавий техника воситалари билан жиҳозланган.

• Наманган вилояти фаолларининг навбатдаги йиғилишида оналик ва болаликни муҳофаза қилиш, оилани режалаштириш ҳамда еш авлодни жисмоний ва маънавий жиҳатдан соғ-

лом қилиб тарбиялаш муаммолари қуриб чиқилди.

• Фарғонадаги «Автотехизмат» ҳиссадорлик уюшмасининг замонавий автосалони қуриб битказилди. Икки қаватли бу бинода Асакада ишлаб чиқарилаётган «Нексия», «Дамас», «Тико» русумли автомобиллар сотилади. Шу ернинг узиде «Асакабанк»нинг булими ҳам жойлашган.

• «Товар бозорларида монополистик фаолиятни чеклаш ва рақобат тўғрисида»ги ҳамда «Сийсий партиялар тўғрисида»ги Ўзбекистон Республикаси қонуни амалга киритилди.

ЎзА ва республика матбуоти хабарлари асосида тайёрланди

ЎзА ва республика матбуоти хабарлари асосида тайёрланди

ЎзА ва республика матбуоти хабарлари асосида тайёрланди

ЎзА ва республика матбуоти хабарлари асосида тайёрланди



Чотқол манзаралари

В.ТАРАН олган сурат.

СОҒЛОМ



3-БЕТ: Рамазон ойига бағишланган саҳифа ва тақвим

4-БЕТ: Қорли кеча

(Нювелла)

5-БЕТ: Бу сенинг кунинг

6-БЕТ: Черчиллнинг ўғирланиши

(Романдан парча)



УШБУ



АЁЛ ДУНЁНИ ТЕБРАТАР

1993 йил сентябрида Ансон Чан Он Санг Гонг Конгнинг Бош котиби этиб тайинланганди. Аёл киши бундай масъулиятли вазифани уддалай олармикан, деган шубҳа, гумонларга борганлар талай эди. Аммо ислохотлар йулида оғишмай юригилаётган сиёсат Бош котиб ҳақидаги пуч гаплар ва хаёлларга зарба берди. Чан 190 мингдан зиёд аҳолига раҳбарлик қилишни уз зиммасига олган биринчи хитойлик раҳбар аёл эди.

1997 йилда Гонг Конгнинг Хитойга қушилиши ҳақида гаплар юрибди. Шу боис купчиликни Бош котибнинг ушбу қушилишдан кейинги мавқеи қизиқтирмакда. Баъзилар Чан 33 йиллик мустамлака маъмуриятидаги фаолияти на-

тижасида инглизлашиб кетган Хитой ҳукумати уни бу лавозимда қолдирмайди, деса, бошқа бировлар унинг Хитой анъаналарига содиқ, халқпарвар раҳбар эканлигини эътироф этишяпти.

Унинг Пекинда Хитой ташқи ишлар вазири Қиян Қичен билан махфий учрашганлиги эса бир гуруҳ сиёсатдонларнинг яна бир шовшувига сабаб бўлди. Қолаверса, бу учрашувдан кейин купчилик Чаннинг уз постида барибир қолажани таъкидлашмоқда.

«Хитойлик эканлигим билан фахрланаман. Қадрият, урф-одатларимизни қаттиқ хурмат қиламан. Орзуим — Хитойнинг улкан муваффақиятларга йўғрилган истиқболини куриш. Шу жумладан Гонг Конгнинг ҳам», — дейди Бош котиб.

АЛИЖОН тайёрлади

ТАРТИБЛИ ВА ОБОД

Икки олам саодатига эришиладиган, покланиш ойи ҳисобланган муборак рамозон ойида халқимиз қадимдан уйлар, кучалар, қолаверса, ҳар бир банданинг абадий манзили ҳисобланган қабристонларнинг тартибли, озода булишига эътибор беради. Жумладан, пойтахтимизнинг эски шаҳар қисмидаги Сағбон қабристониди ҳам кейинги вақтларда талай ишлар амалга оширилди. Қабристон ичидаги йулақлар асфалланиб, мавжуд шийпонлар таъмирланди, янгилари қурилди. Бу савобли ишлардан шу яқин-атроф маҳалаларининг аҳли ҳам четда қолаётгани йўқ. Улар ҳам яқинлари, қавму қариндошлари дафн этилган

қабрлар атрофини тоза-лаб, супуриб-сидириб қуймоқдалар.

Фақат бугина эмас. Мана шу қабристон яқинида каттагина жарлик куп вақтдан бери хароба бўлиб, ташландиқ ҳолда ётарди. Шу атрофдаги бешта маҳалла аҳли биргалашиб, бу ерда масжид бино этишди. Ҳозир бу ерда намозхонлар беш вақт намозни адо этишмоқда. Масжид теварагига эса дарахт ва гул кучатлари экилиб, қукаламзорлаштирилди.

Хуллас, пок иймонли мурин-мусулмон биродарларимиз рамазон ойини ёруғ юз билан қарши олмақдалар.

Ҳамидулла МУЛЛАПҲУЛАТ ўғли



КИТОБДАН... НИМА ФОЙДА?

• Луқма

Юрчи аслида Денов туманининг маркази. Шу ерда катта... китоб магазини бор. Омонулла Ҳасанов уч йилдан бери бу ерда совуққа котиб утирипти. Бу маърифат кошонасида жами булиб беш... номдаги китоб бор. Улар ҳам камгина.

— Шу атрофдаги ягона китоб кошонаси шу булса, бу ёғи дунёни ажойиб китоблар босиб кетди, вагонлаб олиб кел-

майси, ахир! — дедим Омонулла Ҳасановга. — Ё одамларнинг китоб уқишга тоби йўқми?

— О-о., одамлар, ҳозир айниқса илоҳий китобларни нарҳини ҳам суриштирмасдан олади. Аммо, шундай ажойиб китобларни Термиздан, Тошкентдан олиб келиш учун қани пул? Ҳозир насияга ҳеч ким ҳеч нарса бермайди.

Мазкур... маърифат маска-

ни Юрчи ҳиссадорлик жамияти тасарруфиди. Таассуфки, бу ерда пул қирилиб этибди. Аммо раис Ҳикмат Умаров китоб харид қилиш учун пул ажратишни лозим топмапти ва жуда тугри қилмапти. Чунки китобларнинг урнига ароқ олиб сотган фойдали-да: ҳам тез кетади, ҳам яхшигина фойда қолдиради. Китобдан нима фойда?

Тождиддин РАЗЗОК

«Оила ва жамият»нинг 1996 йил 52-сонидagi «Бунинг нимаси ёмон» сарлавҳали мақолани қизиқиш билан уқиб чиқдим. Йўлим тушиб, купинча Сайёрахон опамиз тилга олган уша электропоездга чиқишга тугри келади. Ростдан ҳам поездда нарса сотувчилар йўловчилардан купроқ. Лекин уларнинг ҳаммаси ҳам Сайёрахон опамиз сингари қийналиб қолганидан шу иш билан шугулланаётганмикин? Энг ачинарлиси эса уларнинг орасида мактаб ёшидаги болалар, қизлар ҳам анчагина. Улар билим олиш, бирор касбнинг бошини тутиш урнига ота-оналарининг «беш сум булса ҳам пул тошганинг фойда», деган гапига учиб шу ишни қилиб юришибди. Узим ҳам уқитувчиман. Мана шундай болаларнинг уйига бориб ота-онасига учрашсангиз, оладиган жавобингиз аниқ: «Вой, малимжониси, углим (ёки қизим) уқиб шаҳар олиб берармикин? Мана, савдо қилиб бип-бинойидай пул топиб келаяпти»...

Комила БОЙМУРОВА

... Биламан, тенгдошларимиз ичида ота-онасининг қадрига етмайди-

ган, булар-булмасга уларнинг қалбига озор берадиганлар ҳам оз булса-да учраб туради. Лекин инсон ҳар доим ота-онасининг дуосини олишга, яхши ишлари, яхши сузлари билан уларнинг умрига умр қушишга интилиб яшани керак. Зеро, уларнинг дуосидан улугроқ неъмат йўқ, деб уйлайман. Ота-онага бир лаҳза хурсандчилик бахш этиш келгусида фарзандлардан минг бора булиб қайтиши тайин.

Шавкат БОЙТҲРАЕВ,
ТДПИ талабаси

Яқинда «Тошкент — Ховос» электропоездида Тошкентдан уйга қайта-тиб Дилнозаҳон исмли қиз билан танишиб қолдим. У тиббиёт олийгоҳида таҳсил оларкан. Дилнозаҳон дилкаш, самимий, кўнглида губори йўқ қиз экан. Тошкентга қайтишда ҳам бирга келдик, лекин шундан кейин уни бошқа кўрмадим. Анча содда эканман, йўқса унинг факултетини, курсини аниқлаб сўраб олмасдим. Баъзида мен балким бошимга кўнган бахт қушини йўқотиб қуйгандирман, деб уйлаб қоламан. Шу билан бирга умидимни ҳам узганим йўқ. Худо

насиб қилса, яна учрашиб қолармиз, Дилноза...

Муҳаммадшариф Р.,
Тошкент давлат санъат
олийгоҳининг IV курс талабаси

... Одамларгаям ҳайронман, угрилик қилсанг, куча-қуйда маст-аласт юрсанг ҳам қуйишмайди. Тинчгина бир жойда утириб савдо-сотик қилиб, кечкурун оиланг олдига қайтиб, яхшигина яшаб юрсанг, уларга яна маъқул келмайди. «Арзонига олиб қимматига сотишди. Ундоқ эди, мундоқ эди», деб айўҳаннос солишди.

АЗАМАТ,

Самарқанд шаҳри

Ҳар қандай оилада ҳам баъзи сабаблар билан чойнак-пйёла, чинни коса ва шу каби идишлар синида ёки дарз кетади. Синган идишлар эса устага олиб бориб қадоклатилиб, оилада қайтадан ишлатилади.

«Оила ва жамият»нинг 50-сонида Дилбар Раҳим қизининг «Сендан умид узолмайман» мақоласидаги воқеани «чинни пйёла» ҳолатига ухшатдим.

Мақолада шундай жумлалар бор: «Унинг болаларни қургани келгани, Шарофатнинг... бошқа биров билан турмуш қуриб яшаб кетолмаслигига

Тахририят почтасидан

ишончдан аллақандай умид учкунлари қурингандай бўлгани». «Ҳар қалай уртада бир жуфт фарзанд борлиги» ҳақида аниқ ва оидин гап кетади. Ушбу гаплар оиладаги ҳаёт ишларининг уз-узидан узилиб кетмаслигига далил.

Роҳат СУННАТОВА,
қаҳрамон она
Беқобод тумани

Газетангизнинг 50-сонида «Сизни ма дейсиз» рукни остида босилган «Сендан умид узолмайман» сарлавҳали мақолани ҳаяжон билан уқиб чиқдим.

Шафоат сингим! Мен турмуш қураётганимда, отам раҳматли айтгандилар: «Болам, зино гуноҳларнинг гуноҳидир. Зеро, зинодаги ифлосни у дунёда оғиз билан сурилур». Иншооллоҳ, сизнинг турмуш уртоғингиз ҳам бир кун Оллоҳ олдидаги қарзи, икки гудак олдидаги бурчи ва ниҳоят сизнинг олдингиздаги гуноҳини ҳис қилиб, олдингизга бош эгиб келади. Илло, мен шундай бўлишига ишонаман.

РУСТАМБЕК,
Зангиота тумани

ТУШЛАР ТАЪБИРИ

Ноз-неъматлар, ичимликлар, либослар ва атторлик буюмларининг таъбири

(Охири. Боши ўтган сонларда).

Оппоқ, чиройли нон — муҳаббат, роҳат-фароғат, ҳалол мол-дунё ва маъмур, обод шаҳар тимсоли. Билъакс, ухшаманган нон буларнинг теска-риси демак. Тушда зиёда нон курсангиз, дусту ёрингиз ҳам бисер бўлмай.

Асал курсангиз, севининг. Бу ҳалол бойлик, хушбахт ва сердаромад давлат бўлади.

Агар тушга шакар, қанд, новвот, умуман, ширинликлар кирса, демак ёқимли сузлар эшитасиз, фарзандли бўласиз ва бахтингиз кулиб боқад.

Шарбат ширингифторлик, ҳалол давлат, илму ирфон, мартаба, қадру кимматдир.

Исломда гўшти ҳалол деб буюрилган ҳайвонлар суги меҳнат билан топиладиган неъматни, ҳақ йулини ва ҳосиятли ишларни билдиради. Ачиган суг ва қатиқ эса, бунинг аксидир.

Зардоб, пишлюк, қатиқ каби маҳсулотлар ҳам майда-чуйда ташвиш дегани.

Ёғ-мой — ҳалол давлат, фозиллик, барака ва хотиржамликни билдиради.

Шароб алдов, гирромлик, умуман, диенатсиз йуллар билан жамгарилган мол-дунё белгисидир.

Сирка адосиз, беҳисоб бойлик демакдир.

Тушда захар ичсангиз, унгингизда кимгадир қаҳрингизни сочасиз. Агар тушда дори ичсангиз, бу шарофатли юмушдир. Демак, сиз гуноҳларингизга тавба қиласиз ва Оллоҳ Таоло олдида тоат-ибодат билан машғул бўласиз.

Мушки анбар, кофур, сандал да-рахти, заъфарон гулоб каби муаттар нарсаларнинг тушга киргани яхши башорат саналади. Бундай тушлар одобу икромни, солиҳни ва фозил табиат бўлишликни, кишининг имо-ни басаломатлигини билдиради. Узи тақводор эканлигини, аҳди аелидан ёлчиган ҳамма эл назарида эътиборли кимсалигини курсатади. Балбуй нарсалар, табиийки, бунинг аксидир. Куркам, озода либос эркак учун мартаба, обру, мол-давлат, яхши ном ва оқила хотиндир. Аёл кишининг тушга чиройли, покиза либослар кирса, у яхши бир киши билан турмуш куриши мумкин.

Салла — бойлик ва иззат-икром нишонаси. Телпак, қалпоқ ҳам яхшиликдан далолат.

Янги, тоза кийим-бош қувонч, файз-барака белгиси, эски кийим — ташвиш. Аммо янги пойафзалга қараганда, эски оёқ кийими аълоороқдир.

С. СИЁЕВ тайёрлади

Табрикларимиз!

Азиз углимиз ОЛИЙХОН!
Сени таваллуд топган кунинг билан чин қалбдан кутлаймиз ҳам-да сиҳат-саломатлик, бахт-саодат, уқибларингизда муваффақиятлар тилаймиз.

Ойинг, аданг, аяпанг,
Муфида, Хуршида.



Суюкли далажонимиз Раҳматилла МУРОДОВ!
Сизни 15 январь — тугилган кунингиз билан табриклаймиз, узок йиллар бахтингизга соғ-омон бўлинг, ишларингизда омад ер бўлинг.

Самимий эҳтиром билан
қизларингиз Лайлохон,
Лобархон, Гўзалхон ва
рафиқангиз Раёно



Оила

46 ЁШДА

Бухородан, келишган, олий маълумотли, моддий таъминланган, ёлғиз киши. Уй-рўзгорни ўйлайдиган, турмуш куриш нияти бор ўзбек аёли билан тапишиш орзусида «Оила-47».

ТУҒМА НОРАСОЛИКНИНГ ЯНГИ ДАВОСИ

«Соғлом авлод учун»

СУИҚАСДЛАР МУЗЕЙИ

Оламда гап кўп

АҚШ президенти Жон Кеннеди улдирилган жойда Суиқасдлар музейи очилган. Музей маъмурияти ака-ука Жон ва Роберт Кеннедиларни ҳамда АҚШ негрларининг йулбошчиси Мартин Лютер Кингни ким улдирганини аниқ далиллар асосида айтиб берган кишига бир миллион доллар мукофот ваъда қилган. Ҳозирда ҳақиқатта яқинроқ бўлган туртта далил урганилмоқда.

«Оила ва жамият» газетаси реклама фраолияти билан шугулланувчи агентликларни, реклама агентларини Янги йилда ўзаро манфаатли ҳамкорликка чорлайди. Бизга:

- реклама баҳоси бир сантиметр квадрат учун 30 сум;
- ярим саҳифалик реклама учун 10 фоиз, бир саҳифалик реклама учун эса 20 фоиз чегирма бор;
- реклама агентлари реклама баҳосининг 25 фоизига чаклаб рағбатлантирилади.

Манзипимиз: Тошкент шаҳри, Матбуотчилар уюваси, 32-уй, 3-қоҳна.

Телефонлар: 36-56-52, 34-86-91, 33-28-20



Умумжаҳон Соеликни Сақлаш Ташкилотининг маълумотларига қараганда сунгги йилларда бутун куррайи-заминимиз буйича болаларнинг турли нуқсонлар билан туғилиш ҳоллари кунайиб бормоқда. Киме санатининг инсон ҳаётига «фаол» аралашуви ва экологик буҳронлар оқибатида авваллари умуман учрамаган турдаги янги қусурлар қайд этилмоқда, инсон ирсий ахборотномасининг ген ва молекуляр даражада издан чиқини тугма норасоликларнинг тобора оғирроқ турларини келтириб чиқармоқда. Эпистазия тугма норасолиги ҳам мана шундай оғир мутатололиклардан биридир.

Ҳозирги замон илмий-тиббий адабиётларида мазкур норасоликни илк бор фаранг олими Арнауд 1761 йил аниқлаган, деган маълумот бор. Бироқ бу ҳақиқатдан анча йироқдир. Негаки буюк бобоклонимиз Абулқосим аз-Заҳрабий Х асрдаёқ «Хунасаликни даволаш ҳақида» рисоласида бу хасталик ҳақида маълумот берган.

Хуш, илдизи олис утмишга бориб тақалган эпистазия қандай дард узи?

Агаманинг «эпи» олд қушимчаси «эсти, тепаси, юқориси» маъноларини бера, «спазия» негизи кўхна юнон тилида «иккига ажралиш, ботиб кириш, жинсий оғирлик» маъноларини аниқлатади. Бу норасоликда олатнинг юқори девори умуман йўқ бўлиб, узи киндик томонга қайрилган, уз ўқи атрофида буралган ва ичкарига ботиб кирган бўлади. Олат илдири соҳасидаги кенг тирқиш бевоесита қовуққа тақалган бўлиб, ундан тинимсиз пешоб ажралиб туради.

Норасоликнинг оғир-енгиллигига қараб турт даражага бўлинади. Бопча эпистазиясида сийдик чиқариш каналининг олд девори фақат бопча соҳасида йўқ бўлиб, буралиши ва қайрилиб туриши ҳам унчалик сезиларли эмас. Тана шаклида эса, олатнинг тепаси бутунлай юқорига қайрилиб, буралган, сийдик чиқариш канали эса олат илдири соҳасига очилади.

Бу хасталикни урганиш ва даволаш борасидаги тадқиқотларимиз уни 52,1 фоиз ҳолда буйрак-тош хасталиги, чов-ероқ чурралари, юрак ва буйракларнинг тугма норасолиги, туҳумдоннинг ерроққа тушмай қолиши, қовуқ олд деворининг очиклиги билан уйғунлашиб келишини курсатди. Айни вақтда бу далиллар мазкур норасолик ҳомили ҳаётининг 4—8-ҳафталарида юзага келишидан

ларак берали.

Хасталикнинг оғир даражаларида сийдик чиқариш каналининг қовуққа кенг ва қисқа йул билан очилиши тапқи муҳитдан қовуққа доимо микроблар кириб туришига омил бўлади. Бу эса уз навбатда қовуқнинг сурункали ялғиланишига ва пешоб тутол-масликнинг янада оғирлашувига олиб келади. Бу жараён узок вақт давом этса, инфекция пешоб найлари орқали буйракларга кутарилиб тош ҳосил бўлишига сабаб бўлади.

Бу норасолик уз вақтида жарроҳлик йули билан бартараф этилмаса, бола балағат эшига етганидан кейин жинсий оғир бўлиб, фарзандсизлик азобини тортиши мумкин.


Бундай норасоликни илк бор 1836 йили олмон жарроҳи Диффенбах жарроҳлик йули билан бартараф этишга уринган эди. Ундан кейин ҳам 50 дан ортиқ жарроҳлик усули тақлиф этилган бўлса-да, уларнинг бирортаси бугунги кун талабларига жавоб бера олмайди. Бу усулларнинг ҳар бирида бемор камидан 3 марта жарроҳ наштарига дучор бўлади. Бунинг устига шунча қийинчилик билан ҳосил қилинган сийдик чиқариш каналининг чоклари сийдиб кетиб, тепиклар пайдо бўлиши кузатишмоқда. Қолаверса, бу усуллар олатнинг юқорига қайрилиб, бурашиб туришини ҳам бартараф эта олмайди.

Шуларни эътиборга олган ҳолда Тошкент Медицина Педиатрия институтининг болалар жарроҳлиги кафедрасида профессор А. С. Сулаймонов ва Ж. Б. Бекназаровларнинг бевоесита илмий раҳбарлигида янги бир босқичнинг ўзидаёқ олатнинг қайрилиши ва буралишини бартараф этиб, сийдик чиқариш канали бутунлигини тиклаш имкониятини берувчи жарроҳлик муолажаси кашф этилди. Бу янги усулда асоратлар микдорини 2,5 баробар камайтиришга эришилди. Энг муҳими янги жарроҳлик муолажасининг боланинг ешидан қатъий назар бир хил усулда муваффақият билан қўллаш мумкин. Авваллари аксарият беморлар 3—7 ёшда операция қилинган бўлсалар биз ҳозир уч ёшгача, яъни ҳали бемор узуда қусур борлигини англамай туриб бартараф этишга эришмоқдамиз.

Алижон ЗОХИДИЙ

Бўш вақтингизда

«ШОҲМОТ» МУАММОНОМАСИ



Азиз муштарийлар! Аввал қўйида таърифланган сузаларни топиб очқични ҳал этинг.

1. Ўзбекистонда шоҳмот уйини ривожига катта ҳисса қўшаётган олим, шоҳмотга оид адабиётлар муаллифи — 4,5,22,7,21,21,7,3,10,9.
2. Ақлий спорт уйинининг қадимий номларидан бири — 11,2,8,6,2,3,20.
3. Уйин давом этиши тезлигининг вақт бирлиги — 1,5,6,19,2,8.
4. АҚШлик шоҳмотчи, жаҳон чемпиони — 14,7,11,17,6.
5. Уйиннинг дуранг билан тугалланадиган ҳолати — 13,10,8.
6. Шоҳмот донаси — 6,5,16.
7. Россия шоҳмот мактаби асосчиси — 18, 7, 15, 10, 6, 7, 3.
8. Шоҳмот тахтасининг ҳар бир қисми — 12, 2, 8, 2, 12.

Энди шаклдаги рақамларни жавоблар асосида тааллуқли ҳарфлар билан алмаштириб, муаммонани ечинг. Бунда шоҳмот уйинига оид ибратли сўз ва унинг муаллифи — бир неча бор жаҳон чемпиони бўлган гроссмейстер номи аён бўлади.

Тузувчи: **Фозилжон ОРИПОВ**

Куз духтири беморнинг кузини текшириб булғач; суради:
— Шифохонамизни қандай топиб келдингиз?..

— Болангизни велосипедга миндириб нима қилардингиз, қурққанидан йиғлашини қаранг.
— Велосипедимнинг кўнғироғи йўқ эди-да...

Иккита эркак қиморхонадан келяпти. Бири қип-яланғоч, унисининг иштони қолган, холос. Яланғочи ше-



Қизи борнинг пози бор,
Қўлида тарози бор...

ХАНДАЛАР

ригига қараб деди:
— Сенга қойилман, дўстим! Уйинни қачон бас қилишни биласан-а.

Хуранда: — Бу гуштми ё бошқа нарсами!

Официант: — Билмадим, буни ҳуқиздан сурайсиз.

Хуранда: — Шунинг учун ҳам сизни чақирдим-да...

Қушни:

— Скрипка чалишни бас қиласизми-йўқми?! Жинни булиб қолдим-ку.

— Тўғри айтасиз, чунки тухтатганимга ярим соат булди.

Бир мексикалик иш билан Цюрихга келди. Меҳмонхонада ундан сурашди:

— Исми-шарифингиз?
— Дон Мануэл дэ ла Фуэнте де Мора Арагон де лос Санчес.
— Ҳаммаларинг кираверинглар, фақат охириги одам эшикни ёпиб қўйсин!

Уқитувчи: Қани айт-чи, қандай саволга ҳеч қачон «ҳа» деб жавоб бериб бўлмайди?

Уқувчи: «Уҳлаяспанми?»

Актёр: — Парда туширилгач, ҳамма «гурр» этиб қарсақ чалворди.
— Пардага нима деб ёзилган экан?

Полициячи ҳайдовчидан суради:
— Янглишмасам, бир ҳафта бурун сиздан ҳайдовчилик гувоҳномаингизни олиб қўйган эдим, шундайми?

Ҳайдовчи:
— Ишқилиб, йўқотиб қўймадингизми, жаноб?

Немис тилидан **Мирзаали АКБАРОВ таржимаси**

БУ КИМНИНГ ҚЎЛИ?

Оламда гап кўп

АҚШ мудофаа ва адлия вазирикларининг етакчи мутахассислари янги туппонча яратиш устида бош қотиришяпти. Унинг қундогига эгасининг қўлини танувчи мослама урнатилади. Агар туппонча бегона одамнинг қўлига тушиб қолса, бунинг ташвишланидиган жойи йўқ. У барибир отилмайди, сабаби, у бегона қўлни «танимайди».

СўНГГИ УСТУН

ҲАР КАЛЛАДА ҲАР ХАЁЛ

АҚШнинг Сизга шахрида истиқомат қилувчи Жон Бровер Миннокнинг сеvimли машғулоти мазали ва туйимли овқатлар ейиш. Шунинг оқибатида у сгги кун ичида нақ 91 килограмм семирган, яъни вазни 200 килограммдан сал зиёдроқ бўлган бу жаноб бир ҳафта ичида 300 билан тенглашиб улгуради.

Австралияда собиқ ССЖИдаги каби «Қаҳрамон она» унвони берилмаган. Йўқса, бу унвонга Жералдина Бродрик асосий даъвогар булиши ҳеч гап эмасли. Негаки, 1971 йил Сиднейдаги Қироллик шифохонасида унинг кузи ёриб, бир йўла туққиз фарзанд курган.

Пули купайиб кетса, бировлар уй солади, бошқалар қўша-қўша машина олади, учинчи бирлари эса дангиллатиб туй қилади. Жанубий Америка мамлакатларидан бирида яшовчи, исми-шарифи номаълум қолишини истаган бир жаноб Швейцариянинг «Пестек Филипп» фирмасида тайёрланган «Калибр—89» соатини 16 миллион 4392 фунт-стерлинга сотиб олган.

Гон Конглик қандолатпаз Сун Ли Чун Америка Қўшма Штатларидаги «Озодлик ҳайкали»ни акс эттирувчи торт ясади. Баландлиги салкам 2,5 метр бўлган бу тортни тайёрлаш учун у уч ой тинимсиз тер тўкиб ишлади.

Ҳиндистонлик эр-хотин Муҳаммад Салоҳиддин ва Нино хоним автомобилда Ер юзи бўйлаб саҳатга чиққилди. Улар 69 куну 19 соат ичида дунёнинг 6 қитъасидаги 25 мамлакатга булиб, жами 40 минг 75 километр йўлни босиб утишди.

Франциялик Жак Майл эса сув остига шўнғиш ишқибози. У 1983 йилда бўйинга тош боғлаб денгизга шўнғийди ва 1 минуту 44 секунд ичида 105 метр чуқурликка тушади. Ҳозирча Жақнинг бу рекорди янгилангани йўқ.

Ҳиндистонлик Шакунтала Деви хоним ҳисоб-китоб ишларида инсон мияси ҳар қандай калкулятор ва компютерлардан устун туралди, деб ҳисоблайди. У иккита 13 хонали сонни бир-бирига купайтириб, 20 — 30 секунд ичида ҳосил бўлган купайтмани айтиш қобилиятига эга. Деви хоним узининг бундай иқтидори сабаблари ва унга етишиш йўллари ҳақида ҳикоя қилувчи китоб ҳам ёзган.

Муассисларимиз:

ЎЗБЕКИСТОН
РЕСПУБЛИКАСИ
ХОТИН-ҚИЗЛАР
ҚЎМИТАСИ, БОЛАЛАР
ЖАМҒАРМАСИ ВА
«СОҒЛОМ АВЛОД
УЧУН» ХАЛҚАРО
ХАЙРИЯ
ЖАМҒАРМАСИ

БОШ МУҲАРРИР: Абдукарим РАҲИМБЕРДИ

Газетамиз бош ҳомийси:
Ўзбекистон «Матбуот тарқатиш
қошмаси» ассоциацияси

МАНЗИЛИМИЗ:

700083, Матбуотчилар
кўчаси, 32-уй.

Телефон: 33-28-20, 36-56-52, 34-86-91
Урол СОДИҚ
навбатчилик қилди
Обуна индекси - 64654
Руйхатга олиш № 33
Буюртма Г-031 21597 нусхада чоп
этилди. Офсет усулида босилди.
Формати А-3, ҳажми 2 босма табоқ.